



<b>№ 33</b> – 1917	შანი	წალიწალი მახუთა
კშირა მარიაშობის 20	25. კ.	გაშოტშინა



**ანასტასია მაჩაბლის ხსოვნას**

არ მომკვდარა, სძინავს ტკბილად  
 შრომისაგან დაღალულსა,  
 მოსვენება ენატრება  
 დასუსტებულ იმის გულსა.

ვაი რმას, ვნც სამშობლოს  
 მოშორდება საუკუნოდ,  
 მის არსებას არვინა სცნობს,  
 აქვე მკვდარსა უსახელოდ.

შენ კი ტურფავ სახიო, საქმით  
 სულით, გულით მშვენიერსა,  
 სამშობლო არ დაგივიწყებს,  
 ეწამები ჩვენსა ერსა!

**ნინო ორბელიანი.**

ანასტასია მაჩაბლისა



# რედაქციისგან მკითხველთა მიმართ

მშრომელთა ხელფასის აწევამა და სხვა მასალის გაძვირებამ უზომო ხარჯები მოგვთხოვა, ხელის მომწერთ კი ჩვენ ფასს ვერ მოვუმატებთ. ჟურნალ „თეატრი და ცხოვრების“ ფონდის გასაძლიერებლად საჭიროა ნივთიერი დახმარება. ხელი მოგვიმართეთ, ვისაც ამ ჟურნალის არსებობა საჭიროდ მიგაჩნიათ. ყოველგვარი შემოწირულება დიდის მადლობით მიიღება რედაქციაში (ბაზრის ქ. № 20), ალექსანდრეს ბაღის პირდაპირ, მეწიგნეების რიგზე, ფოსტით Ред. „Театри да Цховреба“.

## მარიამობისთვის 13

**დემოკრატია და კულტურა**

საქალაქო არჩევნებზე დემოკრატიაში გაიმარჯვდა. ჩვენს დედა ქალაქს თბილისს ძლივს დავება

ტრონეთ, — დემოკრატის გამარჯვება ხოსამართლიანობის გამარჯვებას ნიშნავს და თუმცა სამართლიანობა გაიმარჯვებს — გაიმარჯვებს ქართველი ხალხიც.

ვინ იყო დღემდე ქალაქის ვითომ და მზრუნველი?

ბიუროკრატია და პლუტოკრატია, ანუ მთავრობის მოხელეობა და მდიდართ რწმუნებულნი

დღეს?

დღეს ქალაქის ხმოსანთა დიდი უმეტესობა არა თუ დემოკრატები — სოციალისტები არიან.

ესე იგი ისინი, რომელთაც მიზნად ღარიბ-ღატაკ ხალხის კეთილდღეობაზე ზრუნვა დაუსახავთ.

დღეს ბურთი და მოეხანი მათია.

მართალია, ძლიერ მძიმე პირობებში უხდებათ მათ მუშაობა, მაგრამ თვისი პროგრამის ნათელი მაინც რომ აღასრულონ, ე. ი. ხალხს იმის მეთაღედი მაინც რომ აღუსრულონ, რაც შეპირდენ, — ესეც დიდი ბედნიერება იქნება.

რა აქლია ქალაქის ღარიბ-ღატაკ ხალხს, განსაკუთრებით განაპირა უბნებში მცხოვრებთ?

ძლიერ ბევრი რამ: წყალი, პური, გზები, სინათლე, გქიმი, აბანო და, ვინ მოსთვლის?

აღად ყველა ეს გათვალისწინებული იქნება თითოეულ პარტიის წარმომადგენელსა და ყოველი ღონისძიებით ეცდება ამ ნაკლის თავიდან ასაცილებლად.

ჩვენი მიზანია ქალაქის ახალ მამათა ყურადღება მივაქციოთ განაპირა უბნელების კულტურულ მოთხოვნილებას.

იქნება არც ერთ ქალაქში არ შეგხვდეთ იმდენი ცხოვრების გერი, იმდენი ღვთის ანაზრობაზე მიგდებული (სწავლა-განათლებისა და განვითარების მხრივ), რამდენიც ჩვენს დედა ქალაქში.

მერე ვინ არიან ესენი?

უმთავრესად ქართველი ხალხი, ანუ გაქართველებული სომხობა, ებრაელობა თათრობა და საზოგადოდ სხვა და სხვა მიღეთის მდაბიო წოდება.

რევოლიუციამ ყველანი გაგვათანაბრა უფლებრივად, მაგრამ თუ ამ უფლების ძალა არ გვეცოდინება — როგორ მოვიხმართ?

ასეთი განაპირა უბნები ისეთ სიბნელესა და სიბინძურეში არიან ჩაფლულნი, რომ რა უფლებაც უნდა მიანიჭო, თუ ცოდნაც არ ახლავს, ვერაფერი მოქალაქენი იქნებიან...

ქალაქის მამათა მხრით სწორედ ამ უბნებს ეჭირვება ფხიზელი ყურადღება.

ამ უბნებს ჩვეულებრივ პირველ მოთხოვნილებების დამაკმაყოფილებელ საგანთა გარდა, დღემდე არ მოეპოვებთ რიგიანი სკოლები, წიგნთსაცავ-საპკითხველოები, სახალხო კითხვათა აღდითორიები, თეატრები და სხ.

ქალაქის საშუალო კულტურა (მაღალს ვილა ჩივის) და განაპირა უბნები ერთმანეთს ისე დაშორებიან, როგორც ცა დედამიწას.

განაპირა უბნების ასეთმა ჩამორჩენილობამ განსაკუთრებული გადაგვარებელი და გადაგვარებული ტიპიც-კი შექმნა, რომელიც თვისის მხრით მეტად ცუდს გავლენას სტოვებს ქალაქის ახლო-მახლო სოფელთა კულტურულ ზრდაზედ...



აი, სწორედ ამ უბნებს უნდა მიექცეს დიდი ყურადღება.

არა ერთხელ უთქვამთ მღაბიო ხალხზე: არა შეჯდა მწყერი ხესა—არა იყო გვარი მისიო!

დღეს ამ ხალხის რჩეული შვილები—დემოკრატია შეჯდა ხეს და მაშ მანვე უნდა დაგვიმტკიცოს, რომ ღირსეული რჩეულია თავისი ამომრჩევლისა და კულტურულად აღამაღლოს ქალაქის განაპირა უბნები. ამას კი მათი ნივთიერი ამალგებაც მოჰყვება.



### „აქეთ-იქით გამარჯობა“

(გაგრძელება. იხ. № 32)

V

ლაზარეს ფიქრადაც არ მოსვლია, რომ სასოფლოზედ ილაპარაკებდნენ მის ან მიხაკას შესახებ და არც რაიმე ყურადღებას მიაქცევდა ნალაპარაკებს, თუნდაც რომ გაეგონა. მას დასახული ჰქონდა სულ სხვა მიზანი, რომლის კვლასაც მედგრად შეუდგა და მიღწეა კიდევ.

გაუარა ლაზარემ წინ მიხაკას ეზოს ერთხელ, არავინ ჩანდა ეზოში; გამოუარა მეორედ, კიდევ ვერავინ დაინახა. შესამედ რომ გაუარა—აკი გამოჰყო ამ დროს შინიდან თავი მიხაკამ და ლაზარემაც მიძახა: „გამარჯობა შენი მიხაკ!“

— აი, გავიმარჯოს ჩემო ლაზარე!... ცოტა ხანს შედექ, ლაზარე, სათქმელი რამე მაქვს შენთან!..

— მიბძანე შენი კირიმე!..

— რა კაცი კაცი ხარ ლაზარე!.. განა შენზედ კეთილი კაცი მოიპოვება—ლა სადმე ქვეყნიერობაზედ? შენ კაცი კი არა, ანგელოზი ხარ! არა უფრო მეტიც.— შენ ღვთის ნათლული ხარ!.. მე ასე მეგონა ჩასაქვავებლად არ დამინდობდი, არამც თუ „გამარჯობა“ გამეგონა შენგან. ეს ფიქრი კი ძრიელ მიზარავდა გულს. მეტად დაჩაგრულადა ვგრძნობდი თავს იმ წუთამდე, სანამ შენ „გამარჯობას“ დამიძახებდი. და სიმართლეს გვეუბნები, ჩემო თვალის ჩინო, დიდად დაჩა-

გრული ვიქნებოდი შენგნით, და სამართლიანობაცა და ცოდო მადლიანობაც გათელილი და შელახული იქნებოდა მაშინ სამუდამოდ, თუ შენ ჩემთვის „გამარჯობა“ აღარ გეთქვა. ოჰ, რა დაჩაგრული ვიქნებოდი მაშინ ლაზარე ჩემო!

— აბა, რასა ბძანებ მიხაკ? აი, ღმერთმა კი დაჩაგროს შენი დამჩაგვრელი! განა რა დაგიშავებია ჩემთვის, რომ გამარჯობა არ მეთქვა შენთვის? აი მამული რომ ჩამამართვი? შეკვი ადამიანო, განა ერთი და ორი თავი გამოუხრავ მამულს? მამულის გულისათვის კაცმა კაცი უნდა მაიმედუროს და ისიც შეზობელი!

— ქეშმარიტებას ამოვ ჩემო ლაზარე! განა თუ დიდ რამედ მიღირს შენეული ვენახი—სულ შვიდი-რვა თუმნის საქმეა, მაგრამ საქმე მაგაში ხომ არ არის. შენ, როგორც კვიანსა და „მართებულ“ კაცს, გეუბნები, თორემ სხვას არ ვეტყვოდი, რადგანაც მარტო შენ გაიგებ ჩემ ნათქვამს. წარმოიდგინე, ჩემო კარგო ლაზარე და ძვირფასო ნათლიმამ, რომ შენ, მეგ საწყალ კაცს საკუთარი ვენახი გქონდა. მე კი დღეს კაცად ვითქმი, ოჯახი, ღვთით, ყოველი ფრით საფე მამქვს და დღემდის მე, ამ ქონების პატრონს, საკუთარი ვენახი არა მქონდა! განა ცოდო არ ვაყავი? აბა, სადაური სამრთალი და ცოდო-მადლიანობა იყო ეს? აი ესა მწყინდა და მაჯავრებდა, თორემ განა ბევრ რასმე წარმოადგენს ჩემთვის შენეული ვენახი.

— ვაი შენ ჩემო თავო, განა ემაგრე იყო საქმე? რატო აქამდის არ გამოგებინე, შე დალოცვილის შვილო, თუ აგრე გულ ნაკლულად იყავი? მაშ ლაზარე მოკედეს და ფეხს ნულა დაადგამს მიწაზედ, თუ ყველას თავი არ შესწიროს და მტლედ არ დაედოს, და შენი გულისათვის ხომ სულსაც არ დაეზოგავ.

დარწმუნებული ვარ, ჩემო ლაზარე, რომ ყველაფერს ჩაიდნე ჩემი გულისთვის. ხუმრობა ხომ არ არის—ერთი ურემი მირონი შემომიტანია მე შენს ოჯახში! განა მირენის მადლი ტყუილ-უბრალოდ ჩაივლიდა ისე, რომ ჩემ ერთგულ მოკეთედ არ გადაექციე?

— რა საქიროა კვებნა ნათლია ჩემო!



ისეთი სულელი და თავზედ ხელ აღებული კაცი ხომ აბა სად მოიპოვება ქვეყანაზედ, რომ თვითონ შიშობით გული მისდიოდეს, წინ ჯამით კერძი ედგას და მშიერივე საყვარელი ცოლშვილიც გარშემო ესხდეს, ამოიღოს ჯამიდან პირველი ლუკმა და თვითონ კი არ შექამოს—ცოლს ან შვილს ჩაუღოს პირში. ხომ არსად მოიპოვება ასეთი კაცი, განა? მაგრას მენდე, ნათლიაჩემო, დაენდე ღმერთსაცა და ნათელ-შირონობასაც, რომ მე ამას წრფელის გულით ვამბობ: მე რომ ვიყო იმ მშიერი კაცის ალაგას და შემეგესწრო იმ დროს შენ, თუნდაც სრულიად მაძლარი, ღრმად თუ პირველ ლუკმას,—მთელ კერძს შენ გადმოგიღვამდი. შენთვის პირში ლუკმას გავიქრობ!

— მაშ რათ მიყვარხარ ნათლიამ ან რათ გარჩევ ყველა ჩემ მეზობლებში და ვაფასებ ასე ძვირად შენს მეზობლობას, თუ არ ვიყო დარწმუნებული შენს კეთილკაცობაში? ახ, რატომ დანარჩენი ჩემი მეზობლებიც არა გგვანან შენი!

— რა ვიცი, ზოგი ერთი კაცი რა ეშმაკის ცხენზედ შეჯდება ხოლმე!

— ოჰ, აი ეგ ნამდვილი სიტყვა იყო! სწორედ და ეშმაკის ცხენებზედ სხედან ყველანი შენს გარდა. თორემ ასე რომ არ იყოს, როგორი კეთილმეზობლური განწყობილება იქნებოდა მაშინ მთელ სოფელში? ღვთის მოსაწონი ცხოვრება იქნებოდა!

— ჰო, და აბა რათ შეგებარა ექვი, რომ მე გამარჯობას აღარ გეტყობდი? თქვა ესა ლაზარემ და ყელი მოიღერა.— ჩემ ძმას რომ არ ვეუბნევი გამარჯობას, მე ამისი საბუთიც მაქვს, შენ კი აბა რა დაგიშავებია ჩემთვის?

— რას ამბობ ლაზარე, განა მე არ ვიცი, როგორც არი საქმე-რა? სად ძმა და სად კეთილი მეზობელი! რაც შენმა ძმამ საქმე დაგმართა და იმდენა ზარალი მოგაყენა: უსამართლოდ შენი საკუთარი ვებერთელა მამული მიითისვა—რომელი მეზობელი გიზავდა ამას? არა, ძმა რო კარგი იყოს, ღმერთს არ ეყრდნობოდა? აბა, რა შედარებაა ძმასა და მეზობელ შორის?

— ოჰ, ეგ რა კარგი მასწავლე ნათლია ემო! ის ძუძუძაღლი დედაკაცი რო გვდა-

ფაფრულა ემ პირშავ ძმაზედ, ერთი ენა ჩავადებინო მუცელში! ის რძეძაღლი ისა, იმას ჩამჩიჩინებს და გაიძახის, რა ძმა უნდა გერჩინოს მეზობელსაო. უნდა უთუოდ შეირიდეო. კლდეზედ გადასაჩენი და ჩამოსახრჩობი არ უნდა გავხდე, რომ ჩემ ძმას „გამარჯობა“ ვუთხრა!

— აი ყოჩაღ და ბაშხადოლემ ლაზარეჯან! კაცი კაცური უნდა იყოს—მაშ! აი ეგ მიყვარს შენი!

— აი ექამდის მოვეყვარ სისხლზედ იმ ძუძუ ძაღლ დედაკაცს!

— შენც რას აჰყოლიხარ და ყურს უგდებ შენ დედაკაცს! დედაკაცს რომ ქკვა ქონდეს, გძელი თმა აღარ ექნებოდა. შენ გული დაიმშვიდე. მაშ მე მიხაკა აღარ ვიქნები, თუ როგორც შენა ხარ კეთილი, ისე მეც კეთილი მეზობლობა არ გავიწივო.

VI.

თუ ლაზარე აჰყვებოდა თავის გულს და იხტუნებდა და ითამაშებდა ისევე, როგორც გული უხტოდა და უთამაშებდა სიამოვნებით, მაშინ იგი ყველას გიჟი ეგონებოდა. მაგრამ ლაზარე გიჟი არ იყო. თავისი კაი კაცობითა და „მართებულობითა“ მოიქცო ის კეთილი ნაყოფი, რისთვისაც იგი იღვეწოდა და კიდევ სტკებოდა ახლა ამ კეთილი ნაყოფით „რა კაი ხარ ლაზარე“, ღვთის ნათელული ხარ“—ეს სიტყვები მიხაკასი ყურებში უჭუჭუნებდნენ და უზენაესს ნეტარებასა გვრიდნენ: შას და იმოდენად ძლიერი და უზომო იყო მის ნეტარება ლაზარესთვის, რომ მისი გული შეღარ იტევდა მთლიანად ისე, რომ გარედაც არ გამოეყვანა და არ გაეცისკროვნებინა მისი პირის სახეც.

ლაზარეს ეს გაბრწყინვალეულმა სხაემ იმედის სხივებით ჩაანათა და აამტერა გული მისი ცოლისაც, რომელიც აკანკალეულის ხმით შეეკითხა:

— ნახე ის წანწალ-ამოწყვეტილი?

— ვნახე, მარა! მაშ უნახავს გაუშვებდი?

— რა გითხრა? იმედი არი რისამე?... მოლობია გული, იმ ჩემი ცოდვითა და ჩემი

შვილების ცოდვით სავსეს, თუ არა?

— რას ამბობ, დედაკაცო, რამ გაგაგიჟა? რის იმედი ან რის გულის მოლობა? მე კაცს გამარჯობა ვუთხარი და წამოვედი!



— კაცო და მარტო „გამარჯობისათვის“ გაიქეცი?

— მარტო, „გამარჯობისათვის“. რათა! მითხრა: „რა კაი კაცი ხარ ლაზარე“ ო, „ღვთის ნათლული ხარ“ ო, და ეს რად მილირს მე!

— ელილიპინა გოგო-ბიჭებს შეგიმოსავ თავით ფეხამდე, რაკი შენთვის „ღვთის ნათს ლული“ დაურქმევია.

— რატომაც არ შემომოსავს! „მაშ მე მიხაკა აღარ ვიქნები, თუ როგორც შენა ხარ კეთილი, მეც ისე კეთილი მეზობლობა არ ვაი გიწივოვო.“ აი რა, მითხრა კაცმა! და შენ კი დამდ გომიხარ ასეო!

— ყურში უჩურჩულე, დიახს რაც შენ იმისი კეთილი მეზობლობიდან მიიღო, მე წილს ნულა დამიდებ.

— დედაკაცო, შე რძე-ძაღლო, შენა გგონია, მე შენ სიტყვას დავიჯერებ და იმისას კი არა! შენ ე ხმა ჩაიწყვიტე, თორემ იქნება კარგებიც აგაყვანილო!

**მელანია**

(გაგრძელება იქნება)

**დროშის ქვეშ**

ი ს ისე ნაზად ირხეოდა ჰაერში ვით ცე-  
ლქ ნიავით შეთრთოლენბული ტბის ზედა-პირი.  
მას ისეთი მომჯადოებელი ფერი ჰქონდა, ვით.  
ჩამავალ მზის სხივით წითლად შეფერილ  
ღრუბლის ნაფლეთს.

და მაზე ისეთი გრძნობის წარმტაცი სი-  
ტყვები იყო ამოქარგული, ვით უმანკო ფი-  
ციტ ჩურჩული ახალგაზრდა ასულისა.

ამაყად და მედიდურდ ირხეოდა და ცა-  
ხტახტებდა ჰაერში ისე, ვით გაშლილი არწი-  
ვის ფრთები.

ვიდქ და უცქეროდი. ოცნების ბურუ-  
სში ვიყავ გახვეული.

რამოდენი ხანია ველოდი მის ხილვას...  
რამოდენი სულის მქენჯნავი ფიქრები ამოცუ-  
რებულა გულის სიღრმიდან მის მოლოდინში.  
და ასე უეცრად მოულოდნელად.

რამოდენი ტანჯვა-წვალება გამივლია მის  
ძიებაში და ნუ თუ ეს წმიდათა წმიდა ჰქანა-  
ობს ეხლა ჰაერის სივრცეში ვით იალქანი?

და სად ვარ მე ეხლა მითხარით: სიზმა-  
რია ყოველივე ეს, თუ ტუბილი ზღაპარი?

მითხარით მართლა ამოვიკითხე მე მაზე ამო-  
ქარგული სიტყვები „მიწა და თავისუფლება“,  
რომელსაც ამოდენ ხანს საიდუმლო მწუხრის  
ლოცვაში თუ წარმოსტქვამდენ ჩემი ბავენი.

ჰაუ მეგობრებო! სადა ვართ ჩვენ ეხლა,  
სადღაც უცხო შორეულ მხარეში თუ ჩვენს  
მრავალ ტანჯულ საქართველოში? . . . .

და აი მოხველი შენ და წყნარად ჩამჩუ-  
რჩულე:

— გახსოვს?

— რა?

— ისე ჟინიან ვნებით ვერავის მივაპრობ  
თვალს, როგორც შენ ჩემო სიცოცხლეო? ეხ-  
ლა კი სდგებარ აქ და შესტქერიხარ დროშას  
ესე, ვით მოგვი წმიდა საკურთხეველს.

— დიახს ხედავ რა თვალწარმტაცი და  
მომხიბვლელია.

როგორც მოსიყვარულე დედა მიიყვანს  
ხატის წინ თვის პირმშოს და ეტყვის: „ემთხ-  
ვიე შევილო“. იმ რიგადვე მოკრძალებით მიუ-  
ახლოვდით ჩვენ მას და შენი უმანკო ტუჩები  
მოკრძალებით ეამბორა წმიდა დროშის ტარს  
და მთრთოლვარე ხმით წარმოსტქვი ფიცი:

— ჩემს სიყმაწვილეს, ჩემს ქალწულებას  
მსხვერპლად ვწირავ შენს წმიდა საკურთხე-  
ველს.

და აღსრულდა..

დამერწმუნე! ამის შემდეგ ისე ჟინიან  
და უმანკო ვნებით ვერავის მივაპრობ თვა-  
ლებს, როგორც შენ ჩემო სიცოცხლე.

*მის. ხომალტის*

**ვედრება**

როს გაიგონა მგოსნის სიკვდილი,  
მოკვდა, განშორდა, საწუთრო მხარეს,  
გთხოვ შემისრულო მცირე წადილი,  
გულ-ხელ დაკრეფილს, საფლავს მდებარეს:  
მონახე ჩემი უმწყო ბინა,  
ააქვითინე მთრთოლვარე ჩანგი,  
და სიმფონიად გულს დამაფრქვიე  
უგანასკნელად ციური ჰანგი.

ქვალი ვერ იგრძნობს, მაგრამ ტანჯულ სულს  
მფარველ ნუგეშად მოვევლინება  
და ეულს ზეცის წიაღზე ობლათ  
მზის ახლო მშვიდათ მიეძინება!..

**დარია ახვლედიანი**



# მომღერალი სამეფო.

ზღაპარი.

ქვეყნის მშვენიერეს გულ-მოდებულ ლავარდ ცის ქვეშ იყო სამეფო: პატარა, კახტა, ედემის შესადარი.

საზღაპრო ტკბილ ზმანებისამებრ იყო ის გაშენებული ორ დიდ ზღვას შუა: თვალთ წარმტაც აქრილი-ატეხილი მთებით, ზურმუხტის ფერ შემოსილი ტყეებით, ვარდ-ყვავილებით მოქარგულ ველ-მინდვრებით და საოცნებოდ მოჩუხჩუხე-მორაკრაკე წყარო-ნაკადულებით. დღე და ღამ მზე, მთვარე, ვარსკვლავთ სხივებით იყო ის გაშუქებული, ვით ღვთაება, და იყო მშვენიერი დაუსრულებელი მშვენიებით.

სამეფოს იადონები გამუდმებით დამღროდნენ თავს ბაღა-ბაღნარებში და როგორც მიჯნურნი თავიანთ სატრფოს, დაუცხრომელის ენით უგალობდნენ მკვიდრი სამეფოს ქებათა-ქებას.

მისი მშვენიერებით ნიავიც-კი ჰხარობდა, ლალობდა, სისინებდა. ხის ფოთლებიც-კი მღეროდნენ, მშრილებდნენ, ცახცახებდნენ, საიდუმლოებრივ გამოთქმულ სიხარულს სამეფოსადმი ნიავთან ერთად ისიც მთელ არემარეს ამცნობდნენ.

საზღაპრო იყო სამეფო.

ზღაპრულ სამეფოში რა არ ჰხარობდა? ხანდახან ღამობით მისი მშვენიერებით მეტისცქერით ვარსკვლავები, მოხიბლულნი, თითქო მთვარის ძირს სცვივოდნენ. ველ-მინდვრებში, ყვავილებში, ნამთ ცრემლებში იხნჩევივოდნენ.

მომღერალ სამეფოში ერიც მხიარული იყო. ერს უყვარდა სამშობლო. იცავდა. სხვათა სამშობლოზე თვალი არ რჩებოდა. არ ართმევდა სხვას სამშობლოს. არც თავისას უთმობდა სხვას.

დიდ-ხანს იყო სამეფო დაცული თავის ერი-საგან. თითქმის უხსოვარ დროიდან. მაგრამ ერთხელ მომღერალ სამეფოს ბედი სხვაფერ დაბრუნდა.

აი, როგორ მოხდა ეს.

ჩდილო სახემწიფოში კერპი იყო გამეფებული: მრისხანე, კაცთ შეუბრალებელი, რომელსაც

თავის სისასტიკით მთელი მსოფლიო დამონებული ჰყავდა, მისი არსებობისათვის საჭირო იყო მონათა მსხვერპლები. ყოველ ცისმარე დღე ათასობით იწირებოდა ხალხი. კერპის სიარულზე დედა-მიწას ზანზარი გაჰქონდა. მის ფეხის ნატერფალს სისხლის ღვართქაფი ვარდებოდა. მისი სასახლე ადამიანთა ხრო-ძვლებით იყო ანაშენი, ხოლო კარ-ფანჯრები სისხლში ნაღებ დროშებით გაჩირადნებული. მის ბაღებში აუზებიდან ადამიანთა ცხელი სისხლის შადრევნებში ასხამდნენ. მთელი ჩრდილო სისხლის მორევში ტივტივებდა.

ამ კერპს ჰყავდა ერთი ძლიერი ორთავიანი არწივი, რომელიც ფრენის დროს თავის უზარ-მაზარის ფრთებით მთელ ცის სივრცეს არბევდა და არეკილ შავ-ღრუბლებით ქვეყნებს უკუნი ღამით ჰბურავდა.

ამ კერპმა ორთავიანი არწივი ბოლოს მომღერალ სამეფოში გადმოაფრინა. არწივის ფრთების ბგერამ ჩრდილოეთიდან შავ ღრუბლებში შემორეკა და მთელი სამეფო დააბნეო.

დაბნელდა მზე, მთვარე, ვარსკვლავები. გაჰქრა ნათელი. სულთა-მხუთავი სიბნელე გამეფდა სიცივე. ყინვა. მწვანე წალკოტში ვარ-ყვავილები დათრთვილა წყარო-ნაკადულები გაყინა ხის ფოთლები გაიცრიცენ. სადღაც ნიავი ორმოში ჩაწვა. ბუღბუღები მიიმაღნენ. ქვეყანა კვდარს დაეშვა ზავსა. შესწყდა სიკოცხლე ყოველი მოძრაობა, სიბნელესა და სიცივეს უჩვევი ხალხი ატირდა, დაიწყო ძახილი: სინათლე, სითბო, სიმართლეო, მაგრამ მათი ვის ესმოდა? მათი მოთქმა-გოდება ცის ყრუ სივრცეში იკარგებოდა.

აგრე გაგრძელდა დიდ-ხანს. საუკუნეზე მეტი ითმინა შეუჩვეველმა ხალხმა სხვათა მონობაში. და სულ ბოლოს მოულოდნელათ რაღაც განგებით მონობასაც ბოლო მოეღო.

ერთ სანატრელ დღეს წყვილიადით მოცულ ცის ტატნობზე ელვის ცეცხლის რკალმა გაიარა. ცეცხლს მოჰყვა ქექა-ქუხილი. ცის მიდამო ცეცხლით ნაქერ იარებით აქრელდა გახშირდა ელვა-ქექა, ქუხილი. ხილული გამოცანას დაემსგავსა, ამავე დროს ამოვარდა საშინელი ქარი, შეუერთდა ცის ჯოჯოხეთ-



თურ საზარელ ხმას და აღოსნური სისწრაფით მოჰყვა შავი ღრუბლების გვას ცაზედ. წაქინებულ ცა-ქვეყნის ბძოლაში ელვის უზარმაზარი ნაპერწკალი მოსწყდა. ანთებული შურდულივით გადაეშვა ჩრდილოეთით, დაცა კერპის სასახლეს, დაქცია კერპის საბრძანებელი, დაამხო ტახტი და ყოველივე მტვრად აქცია.

ტახტიდან ჩამოვარდნილი უძლიველი კერპი თავის არწივით ცოცხალ-მკვდარი დაემხნენ ძირს და სამუდამოდ დამარცხდნენ.

რა გაიგო ხალხმა ეს ამბავი, გახარებული აიყარა ხელ-ფეხზედ ბორკილ-ხუნდები და დამარცხებული ბოროტების კერპის დამიწსამარებელად გამოილაშქრა.

დიდ ხანს გაგრძელდა ცა-ქვეყნის ბძოლა ბოროტი კერპისადმი. ბოლოს, რაკი კერპის არსებობა და ძალ-მომრეობა მოისპოქარი, ქექა ქუხილი შესწყდა. ხალხი დაცხრა ცამ პირი გადაიწმინდა და ჩვეულებრივ ნისლ არეკილ ცის ტატნობზე ნათელმა მზემ კვლავ შამოსცინეს ქვეყანას, განათლდა, გათბა, გამოცოცხლდა ქვეყანა ცაში მერცხალმა გაიფრთხილა, გაზაფხულდა დაიკიკიკა. შეიქნა ბუნების მეჯლისი, ხალხთა ზეიმი, საერო მხიარულება.

ამ საერთო ქვეყნის გამობრუნებაში, მომღერალ სამეფოს ცის ეთერთა სამფლებლოში გამოჩნდა აროდეს თვალთნახული უმშვენიერესი ტახტი. ტახტი ოცნების, ხელთ-უთქმნილი მზე-მთვარე-ვარსკვლავთ სხივთ შენათხზი, მტრედის ფერ ღრუბლების კამართ. თეთრ ქულა ღრუბლებისვე ანაქერ მარმარლოს საფეხურებით და დაეშვა მწვანე წალკოტში ვინმე გმირი ქალის სახით. ის იყო ბუმბერაზ ტანის, ხოლო ფერმიხდილი, სასომილეულ შეხედულობის, წელზევით შიშველი იყო ის გულ-მკერდი დახოკილ-დაკაწრული ჰქონდა გოლიათის მხარ-ბექს, ჯეირანივით მოღერილ ყელს უფარავდა ისრებივით დაშლილი გრძელი თმა; ხელეგაშლილი, შექირვებული ვდგა ის ოცნების კვარცხლბეკზე და მღუღარე ცრემლთა ფრქვევით შეჰყურებდა გარეშემო გამარჯვებულ ერს. ხალხიც მას უცქეროდა, განცვიფრებული. იყო დუმილი, როგორც მოჩვენება, არც ხალხი ამბობდა

რასმე. კარგ ხანს უცქირეს ერთმანეთს ხალხმა და მოჩვენებამ. ბოლოს ხმა თვით მოჩვენებამ აღიმალლა და მოუწოდა განცვიფრებულ ერს:

ხალხნო, სთქვა მან, — რად მიცქერით განცვიფრებული? ვერ მიცანით ვინა ვარ? ვეღარც თქვენ გიცანით მე. არც თქვენა ხართ — ის, რაც იყავით ას ჩვიდმეტი წლის წინად. ყველაფრით გამოცვლილი ხართ: ენით, ზნით, ჩვეულებით. არა მარტო მე, თქვენ ერთმანეთსაც ვეღარ ჰცნობთ, მაგრამ მაინც ბედნიერი ვარ თქვენის ნახვით. ისმინეთ ჩემი: მე ვარ საქართველო, დღემდის ტყვე, მონა. მხოლოდ დღეიდან ტყვეობიდან გამოსული. შეხედეთ ჩვენს დასისხლიანებულ გულ-მკერდს. დაიარებულ სახეს, გათეთრებულ თმას. რა მომცა ტყვეობამ, მონა-მორჩ ლებამ?.. უფლებმა, ნამუსი, საკუთარი თვით-მართველობა ახადეს, მიწასთან გამასწორეს, მაგრამ მადლობა ღმერთს, სული მაინც შემჩნა და თქვენ ჩვეულებრივ ჩემს წიაღში გხედავთ. ღარ არის ორთავიანი არწივი, აღარ არის უძლიველი კერპი. დამარცხდა მტარვალი. ცამ შუბლი გაიხსნა, ნისლი გადაიყარა. შეჰხედეთ ახალ მზეს! გაზაფხულდა. დღეს მზე ყველგან ერთნაირად ანათებს, მაგრამ გახსოვდეთ, მე ჯერ მთლად თავისუფალი არა ვარ.

ესლა შინაური მტრები მყვანან. თქვენც ბევრნი ხართ ჩემი მტერნი. გთხოვთ, შეერთდით! ჩაჰკიდეთ ხელი ერთმანეთს და მიხსენით მე. მოდით ახლო ჩემთან, ამომიდგეთ მხრებში. მშობლიური ალერსით დამიამეთ ტკივილები და ტანჯულ მშობელს ამით შემიშვრეთ თვალეზე მონაწერი ცრემლები.

სთქვა ცრემლთა ფრქვევით. რა გაათავა, მრავალწამებულ შუბლზედ ზეციდან გვირგვინი დაადგა. ცის ფერადი ღრუბლები სამოთხის ფრად გარშემო შენოექარგა. ცისა-რტყელას შვიდი ფერი ხვეულ კონებად შემოეველო ოცნების ტახტს, ხოლო საფეხურებს ტახტისას ცის კამარიდან მოხსნილი ფიანდაზი დაეფინა. გაბრწყინდა სასწაული კვარცხლბეკზე მდგომარე-სიმბოლო საქართველოსი და გაელეღარ-გაშუქნარდა მის გარშემო წალკოტი.

ხალხმა იცნო მოჩვენება, მამაპაპურის



გადმოცემით მოიგონა თავის წარსული. შეიყვარა ის. გაიხარაო, სად იყო—სად არა, აღტაცებული შეგროვდა ტახტის წინ. ვინც მიასწრო ეამბორა მოწიწებით სიმბოლოს. ვინც ვერ მიაღწია ხალხის სიმრავლის გამო, შორიდან სცა თავყვანი და აღუთქვა ერთგულება. სხვებმა სიხარულით მეჯლისი, მხიარულება გამართეს მის აღდგენაზე.

მოისმა ყოველ მხრიდან სიმღერა. დაჭკრეს ნაღარას. ააქვინეს ზურნა, დაფადვი ჩამოჭკრეს ჩანგს, ჩანგურს, ქამანჩას. გაისმა აღდგენილ სამეფოში ეროვნული სიმღერა მამაპაპური, წარსულ დროთა მომგონებელი მსოფლიო ზეიმზე მზემ უფრო გააშუქა გათბა ბუნება. კვლავ გაიფურჩქნა ტყე, მიწის დრო-ველი. ვარდ-ყვავილებით ისე ისე შეიმკო ვარემო, კვლავ ახმაურდა, არაკრად წყარო ნაკადულები. აშრილდა, აღივიღდა შუბლგახსნილი ტყე, მთები. ნიავმა გაისისინა. ასტვინდენ ბულბულები. ქვეყნის დღესასწაული ერთ დამატებობელ ჰარმონიად წარმოედინდა და გაისმა ყოველ კუთხიდან დაუსრულებელი, საამო ხმა, მომღერალ სამეფოში.

**ფეგენი ფურცხვანიძე**

**ქართველი ქალი**

ანასტასია მაჩაბლისა

ქალო, მზე ამომიბრწყინდა,  
შენ მოუძლოდი წინაო!

ვინც დაუავიწყარ ივანე მაჩაბლის მეუღლეს ანასტასიას, უფრო მკაფიოდ—ტასოს, იცნობდა, ან ერთხელ მაინც უნახავს რაიმე საზოგადო საქმეში, ზემორე მოყვანილი სიტყვებიც მოაგონდება.

ქართლის ცნობილი ოჯახის ბაგრატიონ-დავითაშვილის ასული და არა ნაკლებ ცნობილ ოჯახის—მაჩაბლიანთ რძალი, ძლიერ აღრე ჩაება საზოგადოებრივ ცხოვრებაში და შეიძლება იმოდენა მღელვარება, იმოდენა გრძობათა განცდა არავის გარდაეტანოს, რამდენიც ტასოს.

ყველას ეხსომება ილიასი და ვანოს შეჯახება ბანკობიას ვარშემო.

90-იან წლებში ამ ბანკობიას ირგვლივ ერთი გაუთავებელი შეხლა-შემოსლა იყო

და მის მთავარი მონაწილის—ივანე მაჩაბლის მეუღლე ტასოც ძალა-უნებურად განიცდიდა იმ სულიერ დღევას, რაიც მაშინ მის მეუღლეს ფლობდა

მაგრამ ყოველივე ის ქართველი ქალის კუთვნილ ხასიათის სიტყვით ვარდობანა...

ბედმა უფრო სასტიკად დასაჯა ტასო. ყველას მოეხსენება, რომ 1898 წ. უგზო-უკვლოდ დაიკარგა მისი დაუფასებელი მეუღლე, ჩვენი საზოგადო მოღვაწე, მწერალი და მთარგმნელი (შექსპირისა) ივანე მაჩაბე ლი.

ოჯახის ასეთი დანაკლისი განა რომ თავზარს დასცემდა მუდამ მოყვარულ მეუღლეს, მაგრამ მან ოჯახური უბედურება—დაუღვევდი ტრაგედია სუფისა გულშივე დაიპარხა და საზოგადოებრივ საქმეთა ჩუმ სამსახურში ჰსვამდა თავის კერძო გამწარების ფილას...

ქართული თეატრი, წ. კ. ს., სახალხო თეატრი, სხვა და სხვა საზოგადო-საგანმანათლებლო დაწესებულებანი,—სად არ გინდათ, რომ ტასო არ მონაწილეობდა, როგორც ბეჯითი, მუყაითი და დაუზარელი დედა—დაისახლისი.

მერე ასეთი მორიდებული, მოკრძალები და თავის თავზე უყვირალი...

ჩვენი საზოგადო საქმე მარტო ლაპარაკითა და ჰაიპით არა კეთდება: მაღლიანობა, სიბედა, ნამდვილი კეთილშობილური მოკმადაგუჯი და სიყვარულის სიჭარბე...

და ეს იყო ტასო.

მშობელი ერის აღორძინების მონატრე, მისი წარმატებისთვის მზრუნველი, ნამდვილი ქართველი ქალი—მამულიშვილი, წოდებით, სულით არისტოკრატი, შეგნებით დემოკრატი,—აი, ტასო მაჩაბლისა...

საზოგადო საქმის სამსახურში არც ოჯახი დაივიწყა და უდროოდ დაობლებული ბავშვები—ქალ-ვაჟი გზაზე დააყენა.

ჩვენი საზოგადოებისთვის ტასოს სიკვდილი თვალსაჩინო დანაკლისია, მითუმეტეს რომ იგი ჯერ შუახანს ძლიერ იქნებოდა მიხწეული და კიდევ კარგა ხანს შეეძლო ჩვენი საზოგადოების სამსახური...

ნუმც გაჭკრება ივანე და ტასო მაჩაბელთა ხსენება მათ საყვარელ სამშობლოში

**იოსებ არიმათიელი.**



# „მესაფლავე“ \*)



მრავ, წერთ. მსრფელეთა ზოლკის გრიგოლ (გრიშა) სილიბისტროს ძე გოცირიძე მოკლულ იქმნა ამა წლის ივნისის 7 ქ. სერდუშტის ადების დროს სპარსეთში.

მელოდრამა სამ ცოცხად სურათად.

მომქმედნი პირნი

- 1) მესაფლავენი 1 და 2
- 2) შგოსანი
- 3) ქალი
- 4) ვაჟი
- 5) კუბოს შეომტინნი

სურათი პირველი

ეკლესიის ეზო გადგან შემოფლებული. მარცხნივ საგრდუში ეკლესიის გუმბათი მოსჩანს. ეზოში აქა-იქ სასაფლაოები. შაისია... ზოგი სასაფლაო უგაფილით არის მოტრული, ზოგი ბაღასით. მარჯვნივ სასაფლაო; ზედ ღორი და თეთრი ჭვარი; ჭვარის ძირში უგაფილები. ამ სასაფლაოს მარცხნივ გათხრილი სამარე... შუაზე უგაფილებში ანგელაზის ქანდაკების შედრეგანი. ეკლესიიდან ისმის სამწესარო საგალობელი. ფარდა რა ახლებს, მესაფლავენი საფლაფის თხრას თავს ანებებენ და ერთი გადგანში გადის... მეორე ბარს დაურდნობა. სახე მისხსნე, დამტინაფი და შეგობრადებელი აქვს. იქვე სდგას შგოსანი, უიმელო ჭმუნგარე სახის, გაშტერებით დასტქერის სასაფლაოს...

## მესაფლავე (სარკაზმული დიმილით)

ეგრე არის სამართალი—ქვეყანაზე ვინც კი კვდება იმ წუთშივე, მისი ჩრდილი ყველა ჩვენგანს ავიწყდება..

(მადრეგანის აქეთ მოდის, შგოსანიც წამოვა—ამოიხსრებს)

შგოსანი. მესაფლავე, შენ ამბობ რომ ქვეყანაზე ვინც-კიკვდება,

იმ წუთშივე მისი ჩრდილი ყველა ჩვენგანს ავიწყდება?.

(შესაფლავე, ნაშნად თანშობის დატინფით თავს დაუქნევს).

ეპ არ მჯერა, მე ეგ რაღაც. მომამებრე კიდევ თავი,

და შესწყვიტე, თუ ღმერთი გწამს, ეგ დაცინვა გულსაკლავი.

(ამ დროს შემოსულა ქვრივი, შეტად და-

შაის; შავშია, თმა-გაშლილი სასაფლაოს ესევე-

ვა და უსიტვეოდ სტირის).

ვერა ხედავ, იმ საფლავეზე როგორ ტირის ობლოდ ქვრივი?.

რა რიგ შვენის ახალგაზრდას ეგე სეველა ღეთაებრივი!

განაგულშინ არ იყო, რომ ამ მოკლულმა დარღით ქალმა,

ცრემლი ღვარა, როცა სატრფო ცივ სამარეს მიესალმა?

დღესაც იგი ამ სამარეს გულამოკლული დაქვეითინებს,

\*) გ. ტაბიძის ლექსიდან.



დლით არ იცის მოსვენება და ღამითაც არ იძინებს...  
მოვა ხოლმე და დაჯდება ცივ სამარის გაშლილ ქვაზე...  
ღარდით არის გაქლენთილი მისი უღვთო სილამაზე...

თმა გაშლილი დაემხო და ცრემლები სცვივა, სცვივა...  
სულს მიუფოთებს ეგ ქვითინი, გული მტკივა, გული მტკივა...  
მაგრამ რა ვქნა?... მესაფლავევ ჩუმად იყავ, უგღე ყური...  
გესმის? გესმის როგორ კენესის დაღლილი და უბედური?  
(ისშინ სკრამპა, გაღობა. ქაღი გულს მოსკვნით ქვითიხებს)

**ქალი.** გავქრე ისე, როგორც ნისლი, როგორც ღამის მოჩვენება,  
არ მელირსოს კვალ არეულს სიმშვიდე და მოსვენება,  
შენი სახე გულს კაწრავდეს, სადაც ვიყო როგორც ვიყო,  
თუ როდისმე არ მახსოვდე, თუ როდისმე დაგივიწყო..

(მგოსანი სასწრაფო კვებით დასაშინა, მესაფლა-  
გეს ნიშნის მოგებით გადახედავს. მესაფლაგე  
საფრად აგდებს ამ სურათს, ის ჩვეულებრივად  
არის. ქაღი გადას... მგოსანი ეუბნება მესაფლაგეს)

**მგოსანი.** მესაფლავე კიდევ იტყვი, რომ ამ ქვეყნად ვინც კი კვდება,  
იმ წუთშივე მისი ჩრდილი ყველა ჩვენგანს ავიწყდება?

(ამ დროს მეორე მესაფლაგე გადაწინს  
კარებს ადებს... შემოაქვთ კუბო... უკან დად-  
ვრემილი მტრადი ფაფი მოჭყვება კუბოს.  
კუბოში მიტყვავებული ვეგვილეტში. კუბოს გათ-  
ხრილ საფლაფთან დგამენ შემომტანნი გა-  
დაან. რაღა შემოაქვთ მგოსანი ამბოს)

აი, თუნდაც გალავნისას მესაფლავე აღებს კარებს,  
ახალგაზრდა ვაჟი ვინმე კიდევ სატრფოს ასამარებს...

(ფაფი კუბოს ეხვევა და სტირის უსიტყვოდ).

გულმოკლული ძვირფას კუბოს არ შორდება, არ სცილდება,  
განა როსმე სხვა ამ გვარი სიყვარული მეორდება?  
უსაზღვროა მისი სევდა, უსაზღვროა მწუხარება,  
და გადმოსჩქებს გულ-მოკლულ ვაჟს თვალთგან ცრე-  
მლთა მღულღარება.

ფიცით ამბობს... (ფაფი სტირის. სკრამპა)

**ფაფი.** ოჰ, შეუფოთდეს სამარეში ჩემი ძველები,  
არ ათბობდეს ჩემს სამარეს გაზაფხულის მზის სხივები,  
გავქრე ისე, როგორც ნისლი, როგორც ღამის მოჩვენება,  
არ მელირსოს კვალარეულს სიმშვიდე და მოსვენება,  
შენი სახე გულს კაწრავდეს, სადაც ვიყო, როგორც ვიყო,  
თუ როდისმე არ მახსოვდე, თუ როდისმე დაგივიწყო  
ფაფი ტრემლის ფრქვევით გადახევა კუბოს...)

**მგოსანი** (აღეფებულად, ნიშნის მოგებით ეუბნება მესაფლაგეს)  
მესაფლავე, კიდევ იტყვი, რომ ამ ქვეყნად ვინც კი კვდება,  
იმ წუთშივე მისი ჩრდილი ყველა ჩვენგანს ავიწყდება?

შარდა



სურათი მეორე.

ისევ ის ადგილი. გათხრილი სამარე გადა-  
სწორებულა. ზედ ლოდი დეკს. საფლავი ვე-  
ვილებშია. ისმის სალაშური.

მესაფლავე, ხა-ხა-ხა-ხა მე ვამბობ რომ ქვეყანაზე  
ვინც კი კვდება,  
იმ წუთშივე მისი ჩრდილი ყველა ჩვენგანს ავიწყდება.

შეოხანი (პრაზ მორეული)

მესაფლავევ, ნუ, ნუ ამბობ რომ ამ ქვეყნად ვინც კი კვდება,  
იმ წუთშივე მისი ჩრდილი ყველა ჩვენგანს ავიწყდება?

(გადასვლა)

ის ქალი კი, შეხე, შეხე, ისევ მოდის თმაგაშლილი,  
და სამარეს დაუვიწყარს თავს ადგება, ვით აჩრდილი,  
შემოდის ქალი. ხელში ფარდის კანა უჭირავს... ლოდს ემბო-  
რება)

ხელით ფარდის მთელი ბუჩქი, ჯერ ისევე დაუმქვარი,  
მოაქვს რომ მით დაამშვენოს სამარისა თეთრი ჯვარი...  
(ქალი ფარდს ჯვარზედ ჰკიდებს. მესაფლავე და შეოხანი  
შადრეგანის აქეთ აჩიან, ქალის მოთარებათ)

ოპი ეს ქალი, ალბად დარდით ყვავილივით კენება, კენება,  
სევდას სახე დაუფარავს და სიყვითლე ეპარება.  
საცოდავი! თვალბსაც კი დასჩნევია უძილობა,  
ასე ხდება, როცა ღამით მოგონებებს იწვევს გრძნობა.

(შემოდის გაჯი დაღვრემილი, მისად ფარდის  
კანა უჭირავს. სატრფოს საფლავს ემბორება.)

ქალიც და ვაჟიც სასაფლავს ბადასებს ატყის.)

მესაფლავევ, კიდევ იტყვი, რომ ამ ქვეყნად ვინც კი კვდება?  
იმ წუთშივე მისი ჩრდილი ყველა ჩვენგანს ავიწყდება?..  
(დაინახავს გაჯს)

და ის ვაჟიც, გუშინწინ რომ მიბარა სატრფო საფლავს,  
არ ცილდება სასაფლაოს, სევდიანს და გულმოსაკლავს.

სახე თაფლის სანთელს უგავს, სანთელივით ღნება, ღნება,  
თავს დასცქერის დაუვიწყარს, გლოვის სიტყვას ეუბნება...

მის თვალბსაც დასჩნევია ღამის თვეა, უძილობა,  
ასე ხდება, როცა ღამით მოგონებებს იწვევს გრძნობა...

მესაფლავევ ახლაც იტყვი რომა ქვეყნად ვინც კი კვდება,  
იმ წუთშივე მისი ჩრდილი ყველა ჩვენგანს ავიწყდება?

ძალი. (გადასვლა გაჯს. ამას შესწრობს თავს შეოხანი  
და მესაფლავე. ქალი ამბობს თავისთვის.)

ჩემებრ სტირის იგი ვაჟიც... უძიროა კაცის გული..  
რას არ ითმენს სიყვარულის ცხოველ ნათელს მოკლებული.

(მესაფლავე ნიშნის მოკლებით დადაცინვით შესვლავს შეოხანს)



**მგობანი.** ასე ამბობს სევდიანი ქალის ცისფერ თვალთა ცქერა..

აღბათ ვაჟსა ამ უსიტყვო ცქერამ გული აუძგერა...

ასე იცის თანაგრძნობა. (შესაფლავედიშება) შენ კი ისე იღიმიები, თითქოს მართლა იბმებოდეს იმათ შორის ის სიმები რომლის ძალით ორი გული სამუდამოდ შეერთდება.

გმ, არ მჯერა, შე ეგ რაღაც... ქვეყნად ასე როდი ხდება. .

როცა ფიცით აცილებენ მიცვალებულს სამარემდე, ფიცს არ სტებენ. ფიცს არ სტებენ უკანასკნელ ყოფნის დღემდე. გამოგონე შესაფლავევე, შენ არ იცი კაცის დარდი,

(შესაფლავე ხაჩხაჩებს)

თორემ რაა ჩემს თქმაზე რომ სულელივით ახარხარდი?

(ვაჟი ქალს ფარდის კანას აძლევს. ესენი დაინახვენ აშას.

შესაფლავე შისებურათ დასტინებს მგობანს)

რა უყოთ რომ იმ ვაჟმა ქალს მოუტანა ნორჩი ვარდი?

**მესაფლ.** (გესლიანი ღიმილით ანიშნებს) შენვე ქალს რას ეუბნება?

**ვაჟი.** (ქალს ალერსიანად) შემიყვარდი, შემიყვარდი.

ჩვენ ერთი გვაქვს მწუხარება, შევეერთოდ სულთან სული.

გამომყვევი ცოლად, ქალო, ძლიერი მაქვს სიყვარული..

მართალია, ის სატრფო არც შენ არც მე აღარა გვყავს,

მიგრამ მათი მოგონება ვერ გაარღვევს უხმო საფლავს..

დავივიწყოთ ის წარსული, სატირალი სავალალო

და ახალი ყოფა შევქნათ—გამომყვევი ცოლად ქალო...

**მგობანი** (განცვიფრებულია. შესაფლავე ხაჩხაჩებს. მგობანს დასტინების) დაუცადე, შესაფლავევე, თუ რა პასუხს მისცემს ქალი,

შენ გგონია რაკი ვაჟმა დაივიწყა თავის ვალი,

ქალიც აგრე მოიქცევა?... მე გგონია არა, არა!..

განა გუშინ არ იყო რომ სატრფო მიწას მიაბარა?

**მკვდრის** აჩრდილთან ვინ იცინის, მკვდრის აჩრდილთან ვინ იხუმრებს?

აბა, ნახავ—აბეზარ ვაჟს რა პასუხით გაისტუმრებს..

(**ამ დროს** ქალი გადაიხრის ვაჟისკენ და ეწუწულებს).

**მესაფლავე** (ხაჩხაჩით ნიშნის მოგე ბით ეუბნება მგობანს-ს) შენ, ქალი შენი. მორცხვად თავს ხრის, უჩუჩულებს.

**ქალი** თანახმა ვარ. ერთად ერთი მომავალი მასულდგმულებს

ჩვენ ერთი გვაქვს მწუხარება, ნუ ვიგონებთ დროს უბედურს

მე შენი ვარ სამუდამოდ, წამიყვანე, სადაცა გსურს..

(ქალი და ვაჟი ერთმანეთს ჩაეხუევიან. აკრებენ და კადაიან).

**მგობანი.** (ბრაზმოკრული უცნაური ძაღვით წამოიქვება.

შესაფლავე ხაჩხაჩებს და დაღინვით შეტქვრის მგობანს

მესაფლავე, ეხლა კი გვაქვს ნება, რაც გსურს,

კვლივ იგი სთქვა;

სამუდამოდ ასამარებს კაცთა ხსოვნას სამარის ქვა

ფარდა.

**სურათი მესამე**

ასევე ის სტენა. უვაფილება ჩამკვანარა და

სასაფლაო ბადახებით არის გადაფარული. . . თოქა

სასაფლაოს ახლოს სდგას ორი გადაფარული

კუბო... სადაზო... მკვდართა სინუშეს სადაზუ-

რის და სკრიპის შწუსარე შიშნი არღვევს.



ფარდა იხილება... ჩვერთვევს ეკლესიიდან სიმწუ-  
ხარო სავალაბელი „სულთანა... შეშდეგ შე-  
შოდის მკოსანი. სსსაფლაოებს გადასედავს და  
შეტად დამწუსრდება.

მგოსანი. აღბათ ქაღ-ვაყს დღეს უროი აქვს ბინა...  
სედავ გადას ხანი.

სასაფლოოს არ ნახულობს დღეს არც ერთი იმთგანი.  
საფლოვიდან მტვერს და ბაღახს დღეს არც ერთი არ აცილებს.  
და მოვლასთან ერთად ფერი წართმევიათ ვარდ-ყვავილებს.

განისვენეთ, ძლიერი და უკვდავია თქვენი ძილი,  
რალათ უნდათ რათ სჭირიათ თქვენს საფლოვებს ვარდ-ყვავილიწ  
ან რას გარგებთ მომავლდავ კაცთ სამუდამოთ ცრემლოთა  
ფრქვევა.

ძალით ვერა გამოარკვევთ, ვერა ძალო ვერც შემთხვევა...  
განისვენეთ, განისვენეთ დავიწყებულთ არსთა ძვლებო,  
თქვენს ყოფაში არ ერევა ცოცხალთ ფიქრი საარსებო...  
ასე ხდება ქვეყანაზე, ყველა ცოცხლობს, ყველა კვდება.

და ვაი მას, ვის სიკვდილი სიცოცხლეშივ ავიწყდება.

(მუშოდის შესაფლავე და მომდამარი კუბოე-

ბის ქედვას დაიწეებს... ისმის ხარების რეკა...  
შუსიკა თანდათან დედადება).

ზარსა სტემენ... იმ ორს, რომელთ დავიწყებს ბელი მწვავე.

(შესაფლავე ილაშება)

იმ ორს ერთად გადავერცხლილ კუბოში სქედს მესაფლავე.

სქედს და რალაც მწარე ფაქრზე თან ველურად ილიმება...  
იკის, იკის მესაფლავემ, როგორც უნდა, როგორც ხდება.

განისვენეთ, განისვენეთ დავიწყებულთ არსთა ძვლებო,  
თქვენს ყოფაში შე ბევრი მაქვს მწუხარე ჟამს საოცნებო...  
მესაფლავე (კუდმოდგინეო ხარხარებს თანაც მხიარულათ სჭე-

დს კუბოებს)

ხა-ხა-ხა-ხა-ხა-ხა ქვეყანაზე ვინცკი კვდება,  
მისი ჩრდილი იმ წუთშივე ყველა ჩვენგანს ავიწყდება..

მგოსანი (ნიშნად თანხმობისა თავს უკრავს)

მართალი ხარ, მესაფლავევ, ქვეყანაზე ვინცკი ვღდება,  
იმ წუთშივე მისი ხსოვნა ყველა ჩვენგანს ავიწყდლ ა...

ფარდა.

დასასრული

ი. ხინველი





# „ფიქრი სანატრი“ და „ფიქრნი მღელვარნი“

V

(გაგრძელება. იხ. „თ. ცხ.“ № 28

ნიკოლოზ ბარათაშვილის კოსმიური-მისტრიკული გრძობა.

ნ. ბარათაშვილის „ფიქრი სანატრი“  
ცის ქედს რომ მიიწვევს, რათა ეშხით დამ-  
თვრალი შეერთდეს ლურჯსა ფერსა—ამხელს  
მასში მისტრიკს-მეტაფიზიკს.

ეს სახელი მას ეწოდება, ვინც ხილულს  
იქით უხილავს სკვრეტს, წარმავალს იქით  
სამარადისოს და სააქაოს იქით საიქიოს განი-  
გულებს.

მეტაფიზიკისთვის ეს ხილული ქვეყანა  
თეატრია ცვალებადი დეკორაციებით და მსა-  
ხიობებით. ხილული რეალობა საიდუმლო  
ძალთა და არსთა გამომეტყველება-განხორ-  
ციელებაა. როგორც მსახიობი სცენაზედ  
ახიხერებს სასცენო როლს დროებით, ისე  
ხილული რეალობა დროებით გამომეტყველე-  
ბაა—სამარადისო ძალთა.

ამ არსს ბარათაშვილი გამოსთქვამს ლექს-  
ში „ჩინარი“.

ამ ლექსში მტკვარი, ნიაფი და ჩინარი  
პოეტმა გააცოცხლა და გააპიროვნა. სული  
ჩაუდგა, გრძობით აღელვა, ვნებით გული  
აღუვსო. იგინი თავისებურათ ურთიერთობენ:  
ჰყვარობენ, სძულობენ რაყიფობენ. ერთი  
სიტყვით უხილავ რეალობათა მატარებელნი  
მსახიობნი არიან:

„შოქშის მტკვარი, მოჭკის ნიაფი,  
და შრიალითა არხვეს ჩინარსა,  
და კამოსნემენ სახიობსა  
ტკბილის რენებით დამაძინარსა.  
მრწამს რომ არს ენა რამ საიდუმლო  
უასკოთაფ და უსუფთ შარის  
და უცხოველეს სვათა ენათა  
არს მნიშვნელობა მათის საუბრის.  
მტკვარი მიჯნურია ამაყი ჩინარისა,  
შეხტრფის მას და მალერსმბა.  
„ვითა მიჯნური ხატრფოს ამაყსა  
მტკვარი მის (ჩინარს) ფერსთა ნარსთა  
ეგლებს.  
და აღმოარხვეს უფსკრულიდანა,

და აღელვადი კლდეთა ესლება.  
მხოლოდ ჩინარი, მარად მჩინარი  
სდგას შედიდურად და სიამაყით  
და მხოლოდ თავსა კარდმო-კადისდის  
სეგდიანისა შერხვეის სახით.  
ჩინარი თავის გაქნე-გამოქნევით უარს  
ეუბნება მტკვარს და თანაუგრძობს მას ვინც  
მას აქანებს, ესე იგი ნიაფ-ქარს.

ქარი მეორე მიჯნურია ჩინარისა, და  
მეტოქე-რაყიფი მტკვრისა. ესეც ეტრფის მას  
ეხვევა-არხვეს. და მით შურს აღუძრავს  
მტკვარს: აშფოთებს, აკენებს:

„რადგანჯერ ქარი შეარხვეს სარსს,  
იმდენჯერ მტკვარი უმატებს რხვრას  
თათქას საშურით შემოფთებულა  
და კლდის ზირბზედ ზვირთთა შემურსარსს.

ამ ლექსში ბარათაშვილის სამიჯნურო  
გრძობა მის კოსმიურ გრძობაში გაიღვსა  
და ერთად შესხივებულმა მკვდარი ბუნება  
გააცოცხლა. ხილულ ნივთიერებაში უხილა-  
ვი სული შთაბერა, სტიქიურნი ძალნი გაა-  
პიროვნა. აქ პოეტი პანთეისტათ მოსჩანს,  
მაგრამ თუ გვსურს შევიტყოთ პოეტის ნამ-  
დვილი მსოფლ-შეხედულება, შეხედველობაში  
უნდა ვიქონიოთ მისი მეორე ლექსი, რომე-  
ლიც გამსჭვალულია კოსმიურივე გრძობით  
და რომელშიაც ბარათაშვილი მოსჩანს რო-  
გორც მეტაფიზიკი, რადგან იქ პოეტს ბუ-  
ნების მაწარმოებელი იდუმალი ძალი ცას  
იქით მიაჩნია. ეს არის ლექსი „შემოლამება  
მთაწმინდაზედ“.

ლექსში „შემოლამება მთაწმინდაზედ“ აშ-  
კარათ სჩანს, რომ ბარათაშვილის მეტაფიზი-  
კობა:

მართლადაც უბრალო მატერიალისტი-  
სათვის რა არის მთაწმინდაზედ შემოლამებაში  
სანუგეშო და დამატკობელი? ნუ თუ ად-  
გილნი ვერანანი და უდებურნი“ ანუ „კლდე  
ტრემლიანი“ ანუ დღელნი, რომელთა შორი-



საც სწარმოებს მმუსრველი ძალი სტიქიისა: შლის, ანგრევს და ნამუსვრებს ისერი დაბლა ხევებში. მაგრამ ეს ნგრევა-ქცევის ხატება— ჩვენი პოეტი მისტიკისთვის შეიქმნა ნუგეშის წყაროთ და ქირთ-მანელბლად: მთა წმინდა ცისკენ აღსასვლელ კიბეთ გარდაექცა.

„მთა ცხოველო, ხან მდინარო, ხან სეგ-  
დინო, დიანო,  
გინ შოგინილო, რომე შეისვე თვისთა  
ფიქრთ შეგებ  
არა იპოვას და არ დასწას გულისა გაება“.

იმ დროს სხვა ვინ იყო ბარათაშვილზედ უფრო გულ-დახურული და სულით ობოლი? ამისათვის უყვარდა პოეტს მთაწმინდა, რომელიც ეთანხმებოდა მის სულს, აკმაყოფილებდა მის გულის მეტაფიზიკურ წყურვილს და მოთხოვნილებას. ის საღამოობით ხშირად აღიოდა მთაწმინდის წვერზედ, შესტკეროდა ვარსკვლავებით მოქედლოს და მრავალ საიდუმლოებათა მატარებელ ცას და განშორებული არსებულ რეალობას ამ „სადაგელ ქვეყანას“ შეცურდებოდა იდეალურ სამეფოში. ერთი ასეთი საღამო პოეტს გარდაექცა „ხილვის მთად“ იმ საღამოს უცხოველესად იგრძნო სიხლოვე წესთა ძალთან, არა უბრალოთ იგრძნო, თითქმის გასტერიტა-იხილა იგი პირის პირ. ამ ხილვამ დაატკბო იგი უაღრესად.

„მა სიამით ნეტარებით ესრედ აღესებულს კგონა ხედავს სასუფეველს აქ დაშენებულს“  
ცხოველი მისტიკური განცდა ენით გამოუთქმელია, რადგან იგი ინტუიციის სამფლობელოს უფრო ეკუთვნის ვიდრე გონებით მისაწდომს. ვისაც თვით არ უგრძნია ასეთი ექსტაზი, მას ვერაფერ საშუალებით ვერ გარდასცემთ საცებით. ამიტომ ცხადია, რომ ბარათაშვილი სისრულით ვერ დახატავდა მაშინდელ ნაგრძობ-ნაფიქრს. და ის, რაც პოეტმა გადმოგვცა მკრთალი აზრდელი უნდა იყოს პოეტის რეალური განცდისა.

რავდენათაც კი ბარათაშვილმა შესძლო იმ საღმრთო წამის სიტყვებში შემოსვა პოეტს მსოფლიო წარმოუდგა, რთგორც ტაძარი ღვთისა, რომელშიაც ბუნება სადღესასწაულოთ მორაული ღვთის მსახურებას შესდგომა: ქვეყანა მსხვერპლს სწირავს ძალთა ძალას:

„ძირს გაშლილს დამაზს ვედსა ვეგაიონი  
მოქუენენ რეცა ტახლას წმიდასა  
და ვით გუნდრუქსა სამადლობელსა  
შენდა აღქუევენ სურნელუბასა“

ყვავილთა საქმეველს ზე ასდევს პოეტის სულიც, იქ ზენაარს სივანეში ეძიებს თვის სადგურს:

„მე შენსა მჭგრეტელს შეიწუდება საქუთრება  
გულის თქმა ჩემი შენს იქითა ეძიეს საღბურს“

შენაარს სამეფოს რომ დასთმოს აქ ამაოება“.  
პოეტს, აღგზნებულს სიმიქვეყნო ტრფობით, და ფიქრით ცაში მონავარდეს უკვე კარგა შემოაუღამდება:

„დაფიქრებული ვიდექ სერზედა,  
და ცათა მიმართ მიზრალს ტრფობითა  
შემომერტემოდა შიისის მწუხრის  
ადმესები ნაზრალთ მღუმარებითა.  
ხანდასხან ნელად მქრალნი ნიანგნი  
დექეთა შორის აღმოკენესოდენ  
და ზოგჯერ ჩემი შემოკარენი  
ამით ჩემს გულსა ეთანხმებოდენ.“

ბარათაშვილმა ცაშიაც ღვთის მსახურების სახე იხილა. მთვარეს ლოცვაში მიქანცებულ ყრმას მოაგონებდა პოეტს: სდუმლა ყოველი მუნ არემარე. შინდი გადევრა ცისა კამარას მოჰსდევს მთოვარეს, ვითა მიჯნური, ვარსკვლავი მარტო მისსა ამარას გინახავთ სული, ჯერეთ უმანკო მხურვალე ლოცვით მიქანცებული? მას ჰგვანდა მთვარე ნაზად მოარე, დისკო გარდახლით შუქ მიბინდული! „ასეთი იყო მთაწმინდაზედ შემოღამება. მან წარუხოცელი კვალი დასტოვა პოეტის სულზედ:

„ჭოი აღვიდნო, მასსოგს, შასსოგს.  
რასაც ვფიქრობდი მე თქვენთა შორის  
და ან რასაც აღმოვიტოედი,  
მხედოდ გული ჭგრძინაძს,  
თუ ვითარა სიძვენით მას შეება“.

ბარათაშვილის ფიქრები და ზრახვანი ცის დანახვანზედ ყოველთვის მარადიულ ქვეყნისკენ მიჰქრიან, თუმცა გონება ვერ თანამგზავრობს პოეტის გულის თქმას, რადგან „გლახ მოკვდავნი ვერ სცნობენ გინგებას ციურს“.



„აქცა რა თვინი ღაყვარდს გიხილვენ,  
 მუის ფიქრნი შენდა მოსწრაფიან  
 მაგრამ შენაშე გერ მოახწევენ  
 და ქაერშივე განიხილვიან“

ამ მაგრამშია კვანძი იმ საშინელი დრამისა, რომელიც სწარმოებდა ბარათაშვილის სულში მის შემდეგ, რაც ექვიანობის „ბოროტმა სულმა“ ჩაუნელა ცხოველი მისტიკური გრძნობა, და მოუკლა სარწმუნოება. მაგრამ ამაზე შემდეგ მოგახსენებთ. ეხლა კი უნდა აღვნიშნოთ, რომ ბარათაშვილი გონების თათბირს არ ემორჩილება, ექვიანობას მის გულში ჯერ ფეხი ვერ მოუყიდნია. და ზომიერად მზიან დღეს იმედით უცქერს:

„უკი, საღაშოგ, მუედრეგ საამაგ  
 შენ ღამშიი ჩემად სანუგეშებლად,  
 როს მჭმუნვარება შემომხევეგა  
 შენდა მოვიდტვი განსქარებლად,  
 მწყუსრი გულისა, სვედა გულისა  
 ნუგეშსა ამის შენგან მიიღებს,  
 რომ გათენდება დილა მზიანი,  
 და ვოგელს ბინდსა ის განანათლებს“.

**დ. დეკანოზიშვილი**

**ქ. ბათუმი — ს. ბარცხანა. 30 VII აქ** ჯაყელის რეისორობით წარმოდგენის 3 პესა დივერტისმენტით: 1) „სიკვდილი ჩრდილოეთში.“ მიუხედავთ წერილმან დეფექტებისა, მაგ, ხარის მაღალი და გამუდმებული რეკა, რომელიც კულისებში ავთიმყოფის თავთან ეკილა ცულ შხაბეჭდილებას სტოვებდა, კარგი იყო ბნი—ჯაყელი. არა უშავდარა ჭ. ფაზისელს. მხოლოდ ბატონმ ასათიანმა (პოლიციელი) ისეთ ძლიერ დრამის დრას, როდესაც მიცვალებული ასვენია, შემოვიდა, და ისეთი კილოთი იკითხა გადმოსახლებულები, რომ მავურებლებში სიცილი გამოიწვია; 2) „პრიკაშიკი შეაფში“, არა უშავდა. ჭ. ფაზისელმა ბევრი აცინა საზოგადოება. ბინა ჯაყელმა როლი არ იცოდა, 3) „მონადირე. ყველა თავის ალაგს იყო, ჯაყელი (უშეტინაძე) შეუღარებელი იყო. შემდეგ გაიმართა დივერტისმენტი, მაგრამ ისეთ დივერტისმენტს, დმერთო, მეორეთ გვაშორე. აიხადა ფარდა, სცენაზედ გამობტა ვილაცა, დაიწყო თვალების ნაბეა პრაწვა, ხელების ქნევა, ხან აღმა ვითომდა გრიშაშვილს ჰბაძავდა როგორც კითხვაში ისე მიმიკაში ყველა მას დაამატეთ, რომ ლექსს ჟურნალიდან კითხულობდა, და თანაცენა მოცვეთილი იყო. ცოტათი საქმე გამოაკეთა ასათიანის სცენამა და ვადაქკორიას—წაკითხულ ლექსმა, ჩოინიშვილის ლექსი „ქალებს.“

**Г. В—ский.**

**„რექტორ-გამომცემელი იოსებ იმედაშვილი.“**



**ქაფე-პარიზი**

სახანლის ქუჩა  
 თავდაზნ. სახლი

ერთად ერთ რესტორან „ქაფე პარიზს“ საზაფხულოდ აქვს ბალი, სადაც სუფთა ჰაერზე შეიძლება საუზმის, სადილს და ვახშმის მირთმევა, არის ცალკე ფანჩატურები და კაბინეტები. სანოვანე საუკეთესო ღირსებისაა პატვისცემით სილ. გიგიბერია.

**გამოვიდა და**

**უეკლგან ისეიდებ**

ფაზის დვალის

1) **საგიყეში დაწერილი სიმღერები**

ფასი 40 კაპ.

2) **მწარე სიმღერები**

ფასი 30 კაპ.

**ქართული კლუბი**

1 კვირის პროგრამა

**ორშაბათი**—ოპერეტა. ბილეთები: 1 მ.-50

**ესამშაბათი**—საოჯახო საღამო

**ოთხშაბ.**—სინემატოგრაფი. სიმებ, ორკ.

**ხუთშაბ.**—ქართ წარმ. ბილეთები 50-30 კაპ.

**პარასკ.**—ოპერეტა. ბილეთები: 1 მ.-30 კ-დ

**შაბ**—სად.

**კვირა**—რუსული წარმოდგენა. ბილეთი 50-30 კ.

სტამბა „სოფიანი“